



梅塢貽瓊

夫贈之為言者有二有同心之言有同聲之言何謂同心合肝膽縮襟帶莫逆於吾與爾不知其所以言而言也何謂同聲前者唱而後者和喁嚶鳴附味非

雜於薰蕕流非祈於涇渭者也
嘉禾周逸之喜摹臨又王則王
臨趙則趙見稱為善書又嗜吟
咏藹景遇事口嘆又搖筆不休
別業在鴛湖南手植梅數百株
結屋偃臥其所方夫梅花盛開

而得意於摹臨恣適於吟咏也
頽然嗒然陸沉而忘其世徜徉
而忘其家灰槁而忘吾之有我
自呼曰梅癩知之者曰梅未癩
也他日梅更老則更以癩於是
里閭薦紳學士與山林高逸有

為之歌梅者有詡揚其騷雅者
有善其所臨帖題數字者紫之
盈帙梓而藏之家名梅塢貽瓊
梅塢即周子別業之居也予謂
是言也同心且同聲匪同胡贈
世之贈人者或委金玉捐珠貝

挈羅綺此在鄙俚負販珎之君
子弗貴也是編之言粹於金潤
於玉粲於珠貝華於羅綺覽者
倘曰皆長物也詎可以服詎可
以餐則必鄙俚負販之夫矣
萬曆辛巳中秋日觀察功曹

華亭張之象月鹿撰



[Faint, illegible cursive script text, likely bleed-through from the reverse side of the page.]

構塢貽瓊勗周子

門心周子逸三裒贈言成秩以

謁余二語之由贈言自古有三

有重某必併重某言者有假言

為重者子將何居焉諸公所贈

珠璣瓊玖爛焉盈簡留今三善

言者之周子恣趣翛然有遁世
離俗三尚以新沐冠帶為逸欲
弁髦捐之而善書善畫書不專一
技誠劇其言嚴每實應非竅也
然吾有以勗周子余觀秦系張
恣和林逋魏瓘清逸三搦要之

末路弗渝文藻亦翮二曰新不
勦罷陳語古三本其名琅二垂
後者甚不易也夫道無窮藝無
止詩至李杜畫詩壇吳昇且有
曹劉陶謝又昇且有七月東山
三風皇矣靈漢卷阿烝民三雅

書至子昂人能名矣其且有右
軍鍾繇張芝又其且有蔡邕
凡兮程邈三隸李斯三小篆即
秦系輩以清逸名猶未及嚴光
周黨顧以賤位兀傲而不屈也
若務光許由屣葛乘識九州風

搏扶搖崔二高多論矣周子蓋
益砥礪俾贈言以子重而涼三
永二勳每古括並轡驅焉夫古
之名也皆逃名而名附三如薪
火不用其光非作意求名也

蘇進本冲溪彭輅識



梅塢貽瓊卷之一

新安汪顯節子建校編

歌行

吳門劉羅陽鳳 侍御

賦得周生行贈從遊逸之

周生拓弛何恢台令我忽驚胡自來好奇走謁
長者遍窮覽典籍多淹該性解聲詩喜吟咏篇
章散落如浮埃未嘗一語矜弊帚令人錯愕驚
蕪菜羣公屈體爭倒屣席間傲睨稱上才書藝

擅絕張與崔鑒朗直上論鍾裴片紙可當三萬
字不與時輩羞重臺一旦乃能走詣我自言得
見平生纔不知我真是狂者俯視一世如嬰孩
馮馮大腹注滄海橋翰一舉摹天回榮利無可
當其意浩蕩何爾心胸開略不纖芥世間事超
然物外稱快哉傷茲聞我豈疇昔今已老耄尤
多詼筋力雖謝氣未摧抵掌談說何嫌猜雖云
游我時已晚猶可扶策相追陪試傾囊底暫剖
露按覺奪目成玫瑰爾昔所見定何若辟始為

山初覆坏人各自多培壘耳彼曾未見巖崔嵬
爾能奮厲無自駭車驟徒趨安可裁驅之無已
鼓方駭騰感千古馳風雷恍惚神姦窮變怪却
咲驚蹇誠虺隤我粗為爾樹頰頰大辰譎已厭
河隈區區宇宙亦渺小與爾汗漫陵八垓

吳門皇甫百泉訪司勳

賦得周生行贈後遊逸之

周生少負青雲器翩翩更有凌雲思沉吟三百
歲耽詩博極五千日游藝萬目未肯覩蛙蟬抗

足直欲附騏驎寶苑無通可衛生金丹供奉乃
餘事今代審音者為誰詞林共舉司勳氏因辭
攜李鄉來訪吳趣市虛心待叩鍾一鳴脩容何
須幣為贄爭看梁邸引鄒枚却喜門墻得商賜
君不見務學必先得其門旁蹊曲徑胡足論齊
梁緣情但綺靡直探漢魏凌開元周生籍籍有
芳聲自貴知希不徇名短歌擅美在即席五字
破的稱長城幽齋新葺榜間雲母輕出岫嬰垢
氛敷墳夜讀惟左史臨池晝染同右軍又不見

弟子賢於師自昔乃有聞漸與佛齊肩釋氏亦
常云生乎生乎會見青藍卓不羣

吳門王百穀穉登徵君

梅顛仙人歌贈周逸之

君不見宋廣平梅花之賦何錚錚肝腸不是兒
女態吐作冰車鐵馬聲又不見林君復種梅千
樹西湖曲天子徒勞問姓名數點寒香伴幽獨
君今亦愛南枝春誅茅却與梅為鄰嵇康家善
養生說採芝拾菌稱逸民攜李之鄉名白苧草

堂正在梅深處月出渾疑雪覆枝風來但覺香
生樹船頭羗笛三兩聲隔花臨水鳴鳴鄉人
盡識梅仙至爭掃落花堦下迎一斗涼州醉不
醒滿身淋漓臥花影家在羅浮夢裡還翠禽啼
破霜天冷我家新買西山澗青山對門雲對面
枝枝踈影蘸寒潭姑射凝粧鏡中見此澗支郎
曾飲馬飛瀑潺潺流屋下明歲期君載鶴來相
依共結梅花社

同郡張樵溪服采

山人

採芝歌

暮景百憂息夙好在山林蒼烟闕石室白日閒
江潯襟期羅海岳誰能識此心所以羨門子曠
志凌高岑商山華頂連王屋紫芝燁燁生幽谷
安期火棗何處尋嵇康石乳無緣服採芝採芝
山之阿白雲縹緲峰峩峩山中老人絕塵想日
日拍手成高歌採芝採芝山之麓瑶草芊芊碧
如玉種出藍田五色枝何如少室三花郁劉阮
不復見天台空杳冥潺潺只清澗彌深靜者聽

人生百年在須臾東流之水西飛鳥寧知意氣
凌三島安能齷齪徒爲乎乘風欲呼黃鶴騎遨
遊八極四海陸天空萬里發長嘯歸來晞髮臨
天池老我俱免填溝辱日茹藜藿勝膏肉他人
富貴亦何希微軀自効惟耕牧竹下欣逢嵇阮
流棕鞵席帽相追逐周君自是烟霞侶採摘特
時丹岫裏採得華芝任飽食逍遙出世同黃綺
五字成詩稱絕奇六書灑翰聯翩羨慙余仲蔚
偃蓬蒿一代風流邁知己拂石松間撫素琴與

君偕有白雲心爲彈一曲採芝弄溪上桃

花春水深

皇甫百泉

烹葵歌

中林綠髮翁緬爾與世紀披襟憇長松荷鋤適
巖穴莽蒼江湖十載塵沉冥甘作灌園人相知
百里音書隔芳草空堦幾度春春風藹藹吾廬
幽故人何處來孤舟林原微雨夜初過園蔬剪
却青還稠山家留客情原樸牀頭且開舊醞醪
不作尋常鷄黍期因邀上客烹葵菽葵能向日

便傾心况復經露猶衛足秉燭論心夜久忘家
童猶唱江皋曲倏忽鬢成絲徒爲老大悲白雲
常在目明月不須期貴飲啄於膏粱賤形骸於
土木甘墜老以守樗耻需榮以甘祿勸君飲對
君吟采芝燁燁黃綺心緣知張翰思蓴興千載
高風稱至今

閩中鄭翰卿琰

文學

種梅歌

嘉禾梅墟子意氣傾詞林相逢一青眼寧論千

黃金顏類如君更誰似短髮蕭蕭貌秋水酒徒
大半左阿君劍術欲加趙公子烟雨樓前杜若
洲花氣氤氳柳色柔黃鳥聲中桑落酒白蘋湖
上茆湖舟二月江南春未暮手種梅花三百樹
買棹相過載酒人騎驢偏得東風句文園盡日
費婆娑畫藪經今尚網羅却翫林間千樹竹漫
籠池上一羣鶩世人白眼君休歎落魄逢人我
應憚君不見鴛鴦湖上水悠悠梅花無恙人白
頭

張王屋

殮英歌

栖霞三十載邈絕寰中綠
食芝與辟穀何物希
神仙曾聞張伯詠已誦楚人篇
甘谷移來鳴玉水
芳籬獨綻黃金蕊
陽九欣逢無射秋
氣天地純和美
魏帝曾傳太尉書
堪嗟冉冉老將逋
久餐秋菊承朝露
輔體延年壽可扶
白日苦易短紅顏惜難駐
安期蹈海東羨門入天柱
長跪遇真人授我長生句
拂衣長嘯白雲間
導引何須

久阻關欲識子房遐
舉遠夷空卧首陽山

華亭張王屋之象

觀察幕

過周子別業間雲館

知君自是塵外人
素心久與雲霞親
閒居時隱烏皮几
臨風獨岸蓮花巾
清宵夢覺羅浮月
紙帳殘燈半明滅
坐上常飛硤石雲
簷前亂落梅花雪
林深不聞鷄犬聲
日暮但有漁樵行
興來淨几弄筆硯
手書道德黃庭成
藏書滿架且爲樂
種秫連疇豈云薄
結侶還歌招隱詩
耽玄絕

勝楊雄閣房攏窈窕閑且青春山雨後聞啼鶯
村間飽喫青菰飯門外常過載酒盟醉眠不知
塵世事甘作梅顛老此生

同郡彭冲溪輅

比部

梅墟歌

山人結屋枕長渠稍違人境當郊墟郊墟莽蒼
望何極鴛鴦湖水長縈紆湖上烟霞入君手杜
若蘭茗盡兼有更起園池攬物華多種梅花間
楊柳楊柳逢春綠始垂梅花却向雪中開臘日

寒威天地閉條風未轉抽新芽一枝琪蕊東皇
借十尺雕闌綃帳迴臨流盡吐圓珠蚌駐月疑
登白玉臺白玉光何皎圓珠晃相照孤山稱隩
區羅浮擅炎徼炎徼雖偏得艷陽隩區勝絕真
幽渺惟有層冰隴上深不識江南春信早江南
春信到簷楹宛見山中高士情亭亭獨立風塵
外天下有花無此清夜久嫦娥下空谷縞衣皓
腕春盈盈繁華鉛黛總羞澁嫣然不語還傾城
傾城高價應無敵雪月爲神玉爲魄城上飛樓

湖上舫天空野曠傳羌笛一曲吹花落未多樹
杪東風緩無力春別去兮曲爲悲含悽惋兮堪
太息乍似南征入武溪又如北戍陽關磧武溪
功業在金戈蕙苴難明馬伏波陽關迢迢三千
里鸞閣誰緘寫字過輸與山人作花主家食年
年只薜蘿山人薜蘿有餘貴看花不灑楊朱泪
踈影斜分竹籬間微香暗馮鸚杯內掃除苔徑
呼求羊激賞花前幾歡醉山人况復愛吟詩風
騷彷彿開元時吟成搦管龍文爛興劇凌霜鶴

鬢披與梅競高韻與梅駢芳姿得意幽蹤愜琴
書事事宜但賡何遜楊州調莫採黃商嶺芝公

四明屠赤水隆比部

臨池歌贈周逸之

蒼顏史籀不可追李斯八分元氣漓後代近體
通奴隸韋鍾二王特擅竒真誥群仙工雲篆穢
濁下土凡字師周君努力追太古六書法力精
叅規龍鳳蚪咸驅馳鍾鼎倒薤爭分披崆峒
斷碣岐陽鼓急就古訣之罌碑元常索靖稍注

目大今而下胡其卑更好手摹古仙佛廣蒐賫
偈入隄糜靈氣時時護神物精光往往驚蛟螭
周君周君好古博物世未賞千載而下那無鍾
子期

同郡姚禹門弘謨

少宰

臨池歌爲逸之周君賦

周君臨池池水玄翩翩筆底生雲烟家貧几案
乏緇素青蕉綠柿裁春箋遙溯蒼頡鳥跡篆李
斯史籀皆真傳蔡邕八分與飛白鍾鼎佶屈較

龍騫急就章草師索靖一時書法心能專伯英
草法探玄妙虔禮懷素相後先道勁古淡擬宣
示構形結體娥碑妍山陰羽客籠鶩至欲博黃
庭內景篇老嫗亦知書更妙手持紈扇當君前
狂來一掃千萬字醉去常如張旭顛欲知玄蘊
千秋後須向堅珉碣石鐫

海鹽王沂陽文祿

孝廉

短歌爲贈逸之高士

君不見周生自是探竒客家住鴛湖千頃白樓

梅地具現
頭橫笛水龍吟月下長歌山鬼泣有時醉卧梅
花塢萬點瑤葩恣狼籍覺來踈影照幽窓一片
香菟暗中適主人愛客客不還人生豈得長朱
顏眼前有酒不盡醉瑿瑿白髮看盈顛相如抱
病在文園子雲寂寞空草玄何如長對一樽酒
接羅顛倒梅花前

雲間莫秋水雲卿 太學

訪逸之梅塢隱居賦此長歌以紀興

周郎少年不暮仕鳳隱龍蟠養高志考槃樂只

梅之塢幽閒迥出塵囂世飄然逸興懷五湖拓
落長吟林壑徒彈琴命酒且爲樂傲睨天地何
須拘欲期汗漫九垓上松喬之輩行可呼軋坤
漭蕩誰爲論鵬搏鷄適皆天真丈夫行樂貴適
意何須汲汲求屈伸嗟余忽發子猷興一葉扁
舟時可命深林遠扣逋仙居叢竹全迷蔣生徑
清夜高談煮雪茶嘉晨鷄黍敦相敬人生離聚
安可期歲月不待浮雲移陳遵投轄能留客山
蒲酣來倒接羅古來達者蓋如此身外浮榮何

足怡

海鹽馮養白臯謨

叅知

梅墟短歌爲嘉禾逸之周君賦周君能詩

締交皆吳下名士如文文水皇甫百泉

劉羅陽王鳳洲嘉禾彭冲溪姚禹門馮

具區葦俱折節交君與襄上人平野雅

善索余詩爲贈竊附同聲漫賦短什

山人生長梅花塢繞屋梅花幕庭廡穠花艷蕊
他自矜素質皚皚竟誰主世人爭說桃花源神

仙服食不可餐亦知詞賦上林美何似墟谷能
盤桓標梅標梅詩所傳臙脂紫蒂青復玄江南
春信爾先得一枝堪贈梁王前風流水部稱何
郎崔嵬東閣臨維揚花開花落不知悴興來一
擲聲琳瑯雲山乾腊此味稀爵將沁入詩人脾
墟中有人發大叫四山零亂花霏霏我行魯陟
庾嶺巔羣仙恍在冰壺天匡廬相望不相讓鴛
湖沈漭相糾纏聞君種梅復種杏菟園藥圃俱
仙境紅白花枝兩兩開客來解帶歡娛併種梅

不作調羹人種杏不到曲江春間披鶴氅自高
格何物墟落朱緇塵君心素嗜汗漫遊梅花日
日生詩愁彭箴老人故詩叟士安灑翰推名流
我亦家居梅水村襄君與我情相親相看總是
狂歌客好共墟中賦隱淪

雲間陳眉如繼儒

文學

梅顛道人歌

白苧鄉桃花里鴛湖如鏡霞如綺道人散髮坐
梅墟手挾飛仙弄烟水鸚鵡千言擅藝壇魚腸

三尺驚都市鶴冠鳩杖任逍遙笑指西山白雲
起饑來羞賃監河糧生平懶着平原履墨池筆
塚琅玕箋摹得黃庭寔堪擬羽衣衲子扣松扉
春色年年只如此吹笙炙管亂飛觴天酒霞暎
石中髓鳥啼客散茶竈寒月上牕紗半成紫有
時一夢破羅浮踈影清香飛帳底巧綴宮粧覺
大妍烹煮丹砂盡今死何必安期棗韓終李

海鹽陳海陽所學

給諫

梅墟歌爲逸之周隱君賦

并序

梅之芳自昔詠之矣好事者類侈上林
庾嶺為美談而物色之不知川谷墟落
之間其叢而不穢幽而不沉皜然于風
塵之表固所謂以格勝者亦何假物色
為哉鴛湖之上有隱君為遠市塵而處
之翩翩湖海歌吹鼓琴附蹤名流閒雲
館朗吟琳琅合作雅嗜古書法手臨黃
庭道德二帖並能似之豹隱霞栖逍遙
物外暇則探幽石室採藥雲隈為快他

軒冕何有焉跡其人固江上一梅也因
號梅墟以志適噫嘻知梅者君知君者
亦梅也世誠有玩芳之士能得之于官
梅嶺梅之外者乎則固知君之高尚也
已嘉樂未已系之以歌歌曰

有美人兮江之濱迥群芳兮絕緇塵歷歲寒兮
一色皚冰姿以先春幾騷人墨士之品兮疇曰
非瑤臺之珍余獨憐乎悠悠墟兮水石粼粼捷
孤標以自媚永白日兮謝緇氛含大美若弗有

兮閱展轉其逾新凜異馥其泠泠兮藹餘芬之
襲人意徘徊欲獨往兮澹次寥以爲鄰將以遺
兮延竚招瓊琚兮同心即鉛華之我擯兮亦守
白以終身又何必托之名勝兮似蘊其孤貞吁
嗟愴恍兮梅之神傳神有句兮連仙擅名千載
兮安得而誰傳有儒隱兮抱素襟鴛湖之上兮
城之闈携小艇兮湖之濱薄軒冕兮弗嬰衡門
兮沁水幽貞兮履玄詠律清兮白雪流泉灑翰
飛動兮壺冰婉然左圖右史兮風月無邊相與

唱和兮瑤篇恍清塵於羅浮落管吹於風前吁
嗟兮梅之墟梅之墟巡檐索咲兮誰與俱調羹
兮夢已矣我欲從之兮味道腴訝蕢藁兮盈野
結微情兮仙姝

海鹽仇三謙雲鳳 文學

短歌爲梅墟周君賦

有客有客希鴻濛一天星斗羅胷中興來游戲
墨池上蒼頡史籀難稱雄蹲羝鳴鴨妙入聖垂
金屈玉神玄功蕭蕭四壁何所有繞屋梅花春

事融草玄閣下淮王酒茹草籬邊太古風那更
閒雲翠微外有時孤棹浣溪東咲傲奚囊天地
老皈依大士金石攻吁嗟乎棄瓢叟披簑翁放
鶴渚換鷺籠七賢二仲將欲同

同郡朱漁亭象衡

太學

玉壺凝清冰春水明人眸窈窕萬餘樹墟里疑
羅浮羅浮古先生雙髻如雲虬再世為梅顛雲
卧三千年秋天然秀竒骨玉立清風側錯落明月
珠瀟灑宗翰墨獻歲發春饒駕言遵近郊暮雪

滿瓊樹祛服美招邀枕柳倘可寄迢迢清高

郡人陸平皋元厚

山人

梅花歌贈逸之周君

雪滿羅浮春脈脈千枝飛綴瓊瑤魄湘南仙子
履凌波素質凝香艷當夕纖柯亭亭傍寒碧月
冑妖姣絕傾國春風臺榭綺羅橫形影相依纔
咫尺騷人逸賞娛茲夕鐵笛飛聲酒狼籍興來
吟咏夜未央坐逼飛英點蒼壁花神月色兩相
當無語臨風逞標格芳菲旖旎復臨池是誰調

鼎分雄雌累累黃金子萬石奇君此日同三益
不辭長醉萬年枝自古三公傲連客

平野戒衰

衲子

梅墟道人詩與文吳越騷壇遐邇聞隱几松窓
月初上臨池筆陣掃千軍安期有術曾相授閉
戶著書遺世氛有時出郭披鶴氅有時手弄蒼
梧雲君不見眼前富貴多如簇幾人解釣桐江
瀆

海鹽晚岩斯德

衲子

梅墟歌

嘉禾巨澤開鴛湖古來靈秀今尚儲諸家俱抱
荆山璞何人不握靈蛇珠周君隱居鴛湖裏蕭
條門巷苔痕紫斐几閒披老氏書長吟一室春
風起青青桂樹生山阿碩人之邁知弗過殫秋
菊芳飲朝露製芰荷兮帶女蘿聞道君家周伯
况三徵方起仍不降賜帛歸來老澠池信是當
時丈人行君亦人稱處士星潁水箕山並高尚
閒雲高館水潺湲萬樹寒梅壓短垣卧遊已在

羅浮國安用移家去鹿門

海鹽裕山斯學

杲子

梅墟歌

徵君瀟灑超塵表大隱豈謂山林小城南卜築
將避喧苧溪深處耽幽討牀頭常貯鄴侯書門
外時過長者車常令意氣凌鴻鵠未許蹤跡終
樵漁平生樂志山之阿榮名富貴浮雲何不得
干時且蓬蘽莫咲山人衣薜蘿臨池漫倣羲之
跡馮經欲換籠中鷲一墟脩然人境別繞屋梅

花萬株雪驛使情傳隴上春仙人夢入羅浮月
含英不隨桃李芳孤搵自訝凌冰霜月白蘭房
斜度影風清蕙帳暗聞香室中有美人如玉千
古風流在空谷神交湖海欲從遊夢裡相思鴛
水曲

海鹽鏡池自淳

方外

短歌賦贈梅墟周君

空山漠漠春陰陰幾樹梅花開滿林中有閒人
耽獨卧暗香清影逼幽襟幽襟自適琴書裡籍

籍聲華遍人耳高情湖海並元龍清夢常移剡
溪水荷衣蕙帶秋風涼回首交遊幾渺茫吾儕
瀟灑不經事中林縱飲仍清狂有時倚杖望天
末浮雲落日愁思長羨君五字稱長城開元大
曆無與京手摹黃庭得真訣草書醉墨皆縱橫
半榻常栖硤石雲一樽頻對羅浮月不慕何郎
東閣竒欲存處士孤山潔閒來看山懶着冠相
携六尺青琅玕鶴鹿時馴機已息白雲深處且
盤桓

雲間陸梧陽鳳儀

山人

短歌贈梅墟社友

周郎江左大雅姿曾中磊落千人竒讀書萬卷
苦不足探玄析奧窮心思草書能幻鍾王體頃
刻筆底龍蛇移文詞落紙驚風雨建安七少聞
披靡迄今老大嗟不遇徒逢伯樂深長悲君不
見焦桐爨下誰能識中郎一見回顏色斲成琴
瑟朱絃張錦囊玉軫金徽飾由來鑒賞作美材
時來不費推移力卑之似予落莫徒此生甘作

溝中瘠羨君豐匣出有神絳當會合延平津吹
簫賣漿皆隱士鼓刀屠錐豈廢人君今意氣凌
雲表慷慨詎肯瞠後塵相期一笑莫相負何必
桃源尋避秦

上輿慧乘

衲子

梅花澹孤清况復含真白寒風吹郊墟幽香每
盈陌林際隱高齋中有考槃客心超物外氛世
事皆浮雲朗咏匹和晴墨妙追右軍勝交問以
珮俱是烟霞羣雄談四座起韉馬驚殊間歲晚

衆芳謝相看惟此君

同郡周蒼溟紹濂

文學

梅墟歌增周徵君

宗周徵君步東郭郭外清風連廣莫閒情幽抱
太素心手植寒香遶齋閣喬枝老幹森橫斜蛟
珠鱗玉叢叢遮凌巖未試春前色桃李不敢先
開花徵君徵君貞潔之操與梅皎條然迥出風
塵表採藥雲深擷芝山宵野鶴孤琴疑洲疑島
寧甘草木滋那問鼎彝飽興來臨池一揮毫鍾

木土貝王
卷之二
黃米趙皆吾曹寰間海內重賢逸軒車纓笏多
投膠我亦愛梅因愛君馨君之德如梅芬願挹
羅浮之春三百石與之酣對雪三尺憑誰呼作
林逋何遜徒留取高標壓松栢

梅塢貽瓊卷之二

新安汪顯節子建校編

五言律詩

雁門文三橋彭

國子博士

梅墟逸士潛心翰墨樂志丘樊結廬南野
詠歌其中而多風人藻士倡酬往來余
亦樂聞賦此以繼餘響耳

不識南郊路應知白苧村玄心山水秘吾道酒
杯存梅雪先春發松濤清晝翻祗看山徑裏自

覺遠塵煩

吳門黃質山姬水

太學

世外漆園傲江邊處士呈興飛吟玉案几淨榻
蘭亭蠟屐尋雲往柴門帶雨扃鍾期知爾調絃
上水泠泠

華亭張王屋

二首

習隱城南外居然見草堂還同脩竹逕不異浣
花莊磊落吟懷壯淋漓醉墨狂他時訪君處須
待嶺梅香

其二

誰復稱高士梅花祇共君暗香浮積雪虛館駐
閒雲地僻名偏著苔荒路不分孤山應未遠相
語獨無聞

吳郡岳漳餘岱

隱君

同方研山訪周逸之南郊隱居

宛彼幽人宅湖光一鏡開長吟叢桂裡高枕白
雲隈濁酒看花醉春衣取薜裁莫言甘寂寞時
有問竒來

同郡項少岳元淇 上林

春遊過逸之閒雲館有作

春風信杖藜閒與白雲期
看竹乘今雨攀梅憶故枝
青山看隱几長晝擬臨池
笑我高陽侶酣餘倒接巵

彭冲溪

昨聞君誦詩揮筆翩翩矣
暨接玄談高論益知君襟抱
在松雲猿鶴間果非凡品也
故成二律以贈君之平生鄙詩或能

槩之

塵世稀高士于今喜見君
身將栖太華意已薄浮雲兀坐羣書擁
長吟萬象分飄然紫芝曲誰勒北山文

其二

暫爾冠裳寄終然江海人
青門先學圃白社更留春
字入羲之戶詩遊李白津
梅花三兩樹瀟灑一綸巾

吳郡俞允文 山人

周逸之上居湖南屏跡塵市潛心翰墨賦
此贈之

憐君多逸志隱處只孤雲軒冕本無意風塵迫
不聞澤蘭當夏紉籬菊向秋芬只此堪遺世終
隨麋鹿群

同郡戚中岳元佐 符卿

嘗聞出世者非是避秦人藥草山中歲梅花墟
裡春業遺愚谷稼生養美門真余亦投簪暇相
將寄隱淪

閩林堯俞堅字 翰林

梅蕊臨池放山扉傍渚開身同黃鶴住時看白
雲來酒懼樽壘竭衣緣薜荔栽書疑右軍跡詩
遍杜陵才

天台侯二谷一元 方伯

嘉遁近何如靈墟寄所居徑無行遍草架有讀
殘書山水春遊慣琴樽午夢餘淹留爲知己梅
月滿蘧廬

古杭李珠山奎 封君

千梅傍屋廬一水繞郊墟吟雪來鳴鶴臨池有
躍魚閒披高士傳玄覽道家書我亦逃名者行
當問隱居

王沂陽 二首

梅花繞一墟勝絕武陵居清世惟躬稼閒情半
逐漁秋山當几爭夜月映窓虛寂是臨池暇惟
應擅草書

其二

周郎情更逸梅樹已連溪雪蹇探春往霜禽向

月啼寒芳侵骨瘦澹影傍人低夢破羅浮境瑤
華縱品題

雲間吳青蓮次仲 逸士

過山人南園即事

閒治山陽圃春深採藥苗無機抱甕汲有道帶
經樵杯裡青年過琴中白雪調庭前餘桂樹堪
作小山招

同郡黃葵陽洪憲 脩撰

何意在城市倏然無俗情門過長者轍瓢掛酒

人名掃榻藤蘿合橫琴山水清狂來渾傲世莫
不是嵇生

郡人張繹菴正鵠比部

誰道菰蒲裡才華有墨卿玩世還超世逃名復
藉名梅花千樹白玉笛一腔清薄晚臨池倦看
雲散漫行

郡人沈繼山思孝太僕

題梅墟周山人間雲館

虛室帶烟蘿幽人思若何琴樽江雨細枕簟岫

雲多詠罷看黃鵠書成羨白鷺由來常閉戶名
姓達鑿坡

彭冲溪

次荅周逸之二首

周生詩損逸藻思忽垂翻筆下雲霞氣篇中花
鳥魂學鄆辭故步得意起新言刮目三朝別吳
蒙作鳳騫

其二

伊予稱北海之子近東家遠致逢誰賞竒篇祗

自誇清秋吟蟋蟀大澤隱龍蛇好醉茅簷下長
歌送歲華

栖水卓月波明知光祿

水曹風未遠就李見伊人一榻凭烟雨孤亭隔
市塵敲詩倚蘿月把酒任天真雪夜梅花放相
看自主賓

郡人沈几軒自邠翰林

題梅壑隱處

一壑耽野癖萬點落梅深不入逃虛逕誰知避

世心閒雲疑列障流水似鳴琴我欲辭簪弁幽
栖日可尋

吳興方研山大年山人

志曠同玄覽情顛與世踈閒居依石壑幽興寄
梅壑詩尚陰何調摹追晉魏書床頭釀美酒復
有百壺儲

郡人姚玄岳充山人

伯况稱清逸閒居樹里梅影宜池月寫香逐圃
風迴臨渚聞漁笛看山送酒杯寂多何遜興白

雪暗相催

其二

幽栖遠塵市素業樂郊墟地似羅浮僻人疑栗
里餘臨池摹絳帖隱几閱丹書即此歌招隱吾
將傍結廬

郡人張樵谿服采

山人

慕秋同朱文學舫上人過逸之別業得踈
字

去郭耽嘉遯臨流結隱居門依徵士柳床滿鄴

侯書鴻雁乘秋盡芙蓉過雨踈醉歸漁浦曲興
入棹歌餘

彭冲溪

題梅墟書屋和友人張伯咨韻以梅墟之

高吟雅致似未足摸寫也

魚龍滄水曲雞犬白雲居觴得高陽侶度陳越
絕書柳絲烟外裊梅影月中踈試紉芙蓉佩香
分楚澤餘

其二

梅花擁香雪，髣髴羽仙居。學造山中釀，常緇道
藏書。五湖人去遠，三徑客來疎。已結漁樵好，何
論冠劍餘。

其三

聖世堪長往，平泉此卒居。莊園數株樹，惠子五
車書。琴曲遊魚合，茶烟去鶴疎。人非索價隱，漁
是釣潢餘。

郡人許夢萱文豹山人

幽居林薄外，萬樹野梅蒼。弄笛翻高調，飛花落

暗香臨池皆古帖，刻竹有新章。閉戶耽玄逸，圖
書滿石床。

平野

結屋遠塵市，梅花香滿局。五字詩偏好，千杯意
獨醒。釣臺臨綠水，棊几馮黃庭。誰識孤山隱，烟
霞有客皇。

雲間彭九麓汝讓文學

周逸之石刻羅漢大士及諸品經賦贈
鐫勒圖徽滿傳來石鼓文，丹青輝寶相。金粟爛

香雲臨篆饒編簡鏤經脩典墳恒河沙數劫聞
教得如君

天台黃內方帷揖

山人

同吳少君李君實集閒雲館探得閒字

別館俯澄灣柴門盡日關地連青野曠人對白
雲閒行酒花陰下題詩桐葉間共憐朋好在言
笑欲忘還

定湖真謚

衲子

睥睨人間世看君逸品流醉來希草聖夢去即

仙遊岸幘梅千樹彈琴月九秋新詩凡幾帙
爛賁園丘

秋潭智舫

衲子

聞道閒雲館多君獨隱居一杯中聖酒千載右
軍書春草生幽徑寒梅發故墟有時歌白雪和
客每停車

徐春門弘澤

梅墟周君徙居白苧村賦寄

悵矣同懷子移家住水濱相知頭欲白離久意

猶新縱酒偏成癖
耽書不廢貧
他時桃李月
宛是武陵春

李九疑日華 文學

寄梅堃叔

吾叔烟霞侶
移居傍水滸
鳥啼當竹午
花發隔溪春
野老農談洽
鄰家酒味醇
田園有真樂
何必問朝紳

白嶽山松窩子

梅顛道人素有出塵之想
志趣與余頗諧

故成一詩招之欲為世外交也

君骨傲烟霞
蕭然可去家
山中伴麋鹿
月下講河車
滄海三珠樹
青門五色瓜
桃源避秦處
依舊有胡麻

棲水張雨竹敷治 太學

周郎清是癖
茅屋傍溪開
門植陶潛柳
園栽何遜梅
鉤簾踈影入
欹枕暗香來
濁酒床頭釀
新詩取次裁

悟竹思達 衲子

顛也多瀟灑翩翩出世紛磯邊渭水釣方外竹
林群蕙帳延明月松扉護白雲悠然辭俗駕莫
勒北山文

郡人陶若水治山人

訪梅墟先生閒雲館留酌賦贈

何處梅花墅幽然隱者居野雲留几席好鳥入
庭除投轄開玄業藏書擬石渠爲嫌多世難生
計老樵漁

賓梧師道

衲子

賦贈梅墟先生二律

曲水帶幽墟衡門隱者居曉烟清浥帳春樹密
通車寄興臨鶩帖無心待鶴書海壖白雲侶欲
與杜匡廬

其二

墟谷謙區寰踈梅映竹關簷楹香雪裡巾幘翠
雲間垂釣常臨水移丈不到山請看回駕處俱
是問竒還

王山人復元

故人遠市居一室臨幽谷裁詩夜雨寒洗硯春
池祿梅晚落踈花雲晴繞榮木不作
帝鄉遊高懷剡溪曲

平野

寄懷梅墟高士

憶別鴛湖客經秋復涉冬遙知幾夜月吟對一
孤松江漢流詩派龍蛇走筆鋒明年春社裡花
底訂相逢

秋潭

過逸之周君梅墟觀梅

滄洲望不極何處是君家水淺舟難進天寒日
易斜野人窺薜荔村犬吠烟霞爲問墟中樹春
風有幾花

壬辰歲

同郡夏蓋陽日葵

明府

梅墟見過兼惠佳刻貞珉賦謝

梅雨如傾注多君枉屐詢竹爐烹峴茗村釀薦
江蓴已荷頒佳刻尤啣惠美珉古人重然諾於

此見情真

櫟林韓仰橋邨山人

周郎並馬斑才思出塵寰書法鍾王上詩追李
杜間竹墟如蔣徑梅樹似孤山興逐漁樵跡身
隨鹿豕間

庾山

君着白接羅訪我江上寺偶落方外緣而譚出
世事玄理摠會心終不離文字相期老東林一
證青蓮義

劉羅陽

贈門人周逸之二首

晦跡似離群棲情向白雲高齋延夕爽虛牖引
晴芬句有寒霞色書多倒薤文無宜作散髻江
海恐知君

其二

由來散誕身了自不關人何詎能從我聊爲補
隱淪無嫌索引異祇是簡懷真玩弄雖微渺千
秋映若新

平昌葛龍池听 尚寶卿

築室傍溪灣
條然出世寰
梅花舒白玉
竹榦發蒼斑
榻上雲容淡
枝頭鳥語蠻
高風千古想
我輩欲追攀

平昌王明野麟趾 侍御

一溪門外遶五柳
宅邊垂老鶴
巢蒼榦
芳梅發故枝
風前歌白水
雨後採青芝
興至吞千盞
狂來倒接懼

閩翁青陽正春 翰林

暇日欲尋真
遙聞隱逸人
梅花千樹玉
楊柳萬條春
臨帖還宗晉
哦詩若有神
依稀和靖志
彷彿似逸秦

鄴中崔縱自士祭 比部

聞道東吳客
幽然隱碧溪
心隨黃鵠迥
身共白雲栖
春看梅花發
時聞山鳥啼
高懷千載調
我亦賦新題

鄴下冀鳴寰體 侍御

贈周逸之

村地具到卷之二
蔣徑移脩竹誅茅隱故園梅如開庾嶺人似避
桃源路鮮車輪跡時多鳥語喧他年成對晤跌
坐聽玄言

內江張夢夔應登都諫

梅塢開蓬戶烟霞隱客星危峯當綠牖曲水繞
玄亭詩和悲秋句書翻瘞鶴銘何時一樽酒共
爾說青萍

張心益彥謙山人

懿君能市隱託迹向墟梅淡影踈臨榻寒香細

落杯詞高荆雪並篆古蟄龍猜不朽傳金石芳
聲動八垓

釋道軋

廿載東臯隱窮心獨自知名高終古上才逸大
明時野色樽中酒江聲夢裏詩閒情猶不盡鴛
水釣綸垂

梅塢貽瓊卷之三

新安汪顯節子建校編

七言律

四明豐南禺道生

考功

逸之周君高尚其志素好梅遂號梅塢索

詩賦贈

青山處處鬱嶙峋不道梅塢有隱淪
潔志自逾高士揜清標堪與玉人鄰
月明夢入林間雪花落愁生笛裡春
會識周顒多逸興清齋習靜秘

玄神

高吳興徐龍灣中行

方伯

高館深栖白苧間此身無累與雲閒
仲長樂志能遺世宗炳遊情托在山
老去踈梅耽獨卧秋來叢桂可相攀
林泉逸致吾同好他日幽期共往還

新安王十岳寅

山人

寄懷周逸之南郊別業逸之善書常寫經
勒石

青溪客倚青藜杖白苧村居白板扉
掃徑已看馴鶴舞開池還引狎鷗飛
彈琴書靜松風入淅翰晨沾草露晞
莫似向來歌雪調自令江漢和音稀

古杭李岫巖元昭

隱君

苔梅墟周隱君春來枉訊山中一律
東風吹柳綠差差况復鶯鳴求友時
江上故人成遠別山中芳草繫長思
黃金閱世丹難就青鏡流年髮易絲
纔得梅花春信早白雲何處更

相期

嶺南歐

大任 博士

貽贈周逸之隱君高逸

山人高卧白雲居
隱几薰爐獨晏如
伏枕青山支傲骨
開樽明月照幽墟
歲寒谷口梅爭發
春意庭前草不除
信是君家貪佛日
蓮華貝葉閉關書

吳興茅鹿門坤

憲副

周逸之精於書法
曩刻墨搨諸佛跡
過訪

山齋賦詩荅之

客提如意過山房
墨繭盛來七寶粧
天地風塵俱幻劫
漁畋嘯詠屬慈航
幾迴大士空中現
復道曇花海外翔
安得辭家削髮去
白雲深處禮西方

吳門周幼海天球

徵君

梅花深傍草堂栽
映帶平墟野色開
嶺外春寒仙夢覺
窓前月落美人來
帖將快雪時晴搨
詩擬暗香疎影裁
自是周顒有幽致
北山猿鶴不

須猜

四明沈嘉則

名明臣

為釋為仙又有文難將一物可名君高如碧海

翻黃鵠閒似秋空走白雲澤霧不綠成豹隱臨

池今復見鷺群相思為寄梅花賦報我應書白

練裙

莫秋水

訪周逸人郊居不遇貽此見意天出風雲

十里湖南訪隱農雲深何處覓高蹤莫教題字

因為鳳總道登門却訝龍秋色滿籬誰對菊濤

聲振壑獨聞松蕭然悵望空歸去不覺夕陽遠

寺鍾

毘陵葉雪樵之芳

山人

過山人周逸之郊居賦贈一首

清時仲蔚抱幽襟披薜山中歲月深散帙明牕

當晝靜揮毫華几傍池陰林間竹色青于玉石

上泉聲馬似琴嗒爾據梧長日暝徒令弋者羨

鴻心

京口鄔龍門佐卿山人

山人家住碧山岑
門掩蓬蒿翳夕陰
書換鴛群
鴛渚曲賦成
鸚鵡漢江深
但將異代悲
興廢不
向明時歎
陸沉煙雨樓
前湖水濶
荻蘆常傍越
人吟

海鹽仇謙謙俊卿司成

梅壚周君持手臨黃庭過訪賦贈

曲徑柴扃午夢長
雲邊傳刺報周郎
身心落魄
超諸網手帖淋漓
逼二王風度清溪流
淡影月

來良夜散寒香
莫談庾嶺孤山跡
許爾周游眇
八荒

吳門文雁峰肇祉上林

梅花萬樹繞溪塘
白苧湖南着草堂
姑射芳魂
依絕嶠羅浮清
夢入滄浪
巡簷似索春風笑
橫
影猶含夜月香
不學武陵人
好事種桃何復引
漁郎

郡人沈霓川啓原觀察

幽人寄跡在滄洲
睥睨風塵汗漫遊
石上繡經

多小品座中倒屣盡名流
瑤華萬樹供吟弄
麗藻千篇費唱酬
飲罷林端藏月落
幾回清夢到羅浮

姚禹門

繞舍依依玉樹林
冰霜同結歲寒心
由來逋叟遺孤調
自去何郎絕賞音
對酒幽香風外度
伴人清影月中臨
投閒我欲耽佳勝
跨蹇何妨踏雪尋

冬溪方澤

衲子

卧起有懷周君梅墟見寄

聞道周顒能好佛
清齋常過欲
逃禪臨書慣寫
黃庭卷舞象
仍呼白幘顛
採藥一囊丹
作液栽梅幾樹玉
爲田閒居著
就諸家論
貽我山中養性篇

彭中溪

周子梅墟書屋成
賦以志喜梅墟善詩
充喜字畫得墨妙
在吾嘉傳人中至不
易得有魏野林逋
風致故書屋成書
以贈

之

茨垣籬舍自曰依簾戶
新看燕子飛幾樹梅花
連雪白數莖芝草入春肥
問竒客過頻樽酒臨
水身閒且釣磯何必切雲樓
館起五車書聚自忘機

其二

池帖書工逼子昂
高吟况入古詞場中
消懸價堪駟選橋
李如君幾鴈行
綠水汀洲榮柱若白雲
溪谷繞垂楊東家丘豈凡
流識從此逃名與

世忘

郡人包瑞溪檉芳 學憲

欲識幽栖絕俗塵
梅花墟里考槃人
月明清夢羅浮夜
雪滿長林羗笛春
高潔獨凌霜雪操
孤貞自稟玉冰神
知君雅有孤山志
何必桃源覓隱淪

江右李景崗九標 郡丞

孤山夢老入胎仙
雅興悠然似昔年
香沁隴雲風澹澹
影臨池月夜涓涓
庾郊有意分春色
茂

苑多情寄雪天為問壚中舊知己可能芳樹更相先

海塩錢惺吾應晉 孝廉

余秋日至海上過平野禪室談及山人詩是以得聞山人之雅遂賦贈焉

鴛湖東去草玄亭客伴鳧鷖卧晚汀夜色梅花邀白月春香池水寫黃庭當歌醉酒人頽玉列座談詩客聚星聞道清時成隱計移文誰讓草堂靈

陳眉如

贈梅顛道人

謫來塵劫度年華仙府詞臣第一家五岳峰高晞綠髮六銖衣曉繡丹砂新詩帶月題蕉葉清嘯隨風入澗花骨相從看似乎山鶴終將野性傲烟霞

郡人嚴紹峰從簡 黃門

採得玄芝煉大還羅浮清夢入壺天月中踈影飄香雪竹外斜枝帶暖烟羌笛有聲心不競翠

禽無語意俱玄寒芳偏與幽人共况有清吟三百篇

沈霓川

詠梅花爲逸之周君賦

不隨桃李競春姿歲晚孤標祇自持一片香心
風乍展幾宵清夢月偏宜孤山處士欣爲侶東
閣何郎苦費詩潦倒百年林壑下每將樽酒向
君期

王沂陽

寄懷逸之

大隱如君興不孤桑麻遶舍樹扶踈藍田耕盡
生春玉碧海探來得夜珠十里鶯花連北郭一
村烟雨傍南湖與君久負平原約何日携樽共
醉呼

古杭范閩風

山人

萬玉參差倚翠墟幾番晴雪護幽居凍雲欲破
春猶澁墮月纔規夜自如香散寒枝頻繞鵲影
飄池水欲驚魚晴窓獨檢年來事姑射仙人有

寄書

其二

天人不學侍兒妝肌骨從來性最香金埒斷菟
歌素月玉城仙隊入青陽梨雲着地誰能掃鶴
徑鋪春不解藏紙帳蘭釭渾未覺素襟偏戀舊
吟床

黃內方

翩翩意氣爾何豪謝客蓬蒿卧獨高三徑春陰
時倚杖兩湖月色動揮毫大名不附青雲起絕

調能將白雪操草草相逢心已醉可知公瑾似
醇醪

海鹽施玄盖守官 文學

余每過樵李覩其川原秀曠林園蒼鬱探
幽吊古意必有隱君子栖其間如曩用
里之儔者而遐弗可覲及見海上僧平
野亟為余道周君則撫然竒之周君隱
几工詩臨池擅草因號梅墟以托志余
嘉其高蹈不淤也輒為賦之以俟傳者

采馬

梅花繞舍迥無塵
盡道先生隱是真
嬾向漆園爲傲吏
甘于

聖代作幽人
江湖廿載星疑客
詞賦千篇思入神
何但桃源堪避世
地偏隨處可垂綸

周後峰

過山人村居漫興

尚志年來厭世浮
卜居湖上草堂幽
清風滿榻圍修竹
白日臨窓玩碧流
倚杖獨吟時對鶴
留

樽長醉月當樓
閒雲館下梅花發
勝日還期一晤遊

許夢萱

久別逸之周君賦此見懷

經旬不見紫芝顏
短褐茅堂薜荔間
書就黃庭應自秘
歌成白雪許誰刪
春深久隔花前酒
月朗長吟夢裏山
寄語秋來招隱興
中林叢桂可容攀

同郡潘長白獻臣

山人

題梅壑高隱

壑裏丈人閒且清
迓名本學灌園生
繞屋寒梅清壓夢
滿林脩竹俗忘情
叔夜形骸元避世
幼輿林壑已逃名
閒來賸有尋幽興
曳杖溪頭鶴共行

戴弁蒼

山人

金弘叔邂逅新城旅舍道故屬

君雅致歲晏不能晉
謁聊賦一律以爲
他日相晤之資云

聞君繞屋樹梅花
媿我殘年未到家
攜李詩懷閒自得
山陰愁髮老堪嗟
茫茫水國寒吹雪
隱隱江城晚帶霞
路隔東南雲水濶
可憑尺素寄天涯

鏡池

春日寄懷梅壑高逸

一自逢君蕭寺中
別來忽隔幾春風
探梅得句追何遜
投轄留歡似孟公
客思經秋無鴈度
仙源何處有槎通
聞君近結東林社
肯許相携惠

遠同

裕山

題閒雲館

高卧城南久閉關
開窓長對白雲閒
堦前細草供書帶
坐上芳梅索咲顏
明月留樽傾北海
夕陽欵枕傍南山
他時若問幽栖處
已識烟村白苧間

同郡陳方石光贊

春元

贈梅墟先生一律

春入郊墟曉曙融
梅花香散滿簾櫳
上池水溢分茶竈
南碛雲深繞桂叢
白雪歌成人寡和
黃庭書就爾兼工
吾將採藥尋嵩華
意在烟霞肯許同

徐春門

秋日過梅墟山人閒雲館

小艇尋君過水隈
依依楊柳華門開
半籬殘照伴黃菊
一鑑清泉浸綠苔
短褐更無塵可染
高松時有鶴飛來
相看清絕同和靖
千樹梅花手

自裁

壬辰歲

夏蓋陽

博雅如君能幾人秦碑周鼎滿前陳
胸藏珠玉由來富筆走龍蛇殊有神
吳越名山題詠遍漁樵高隱往來頻
應知茂叔前身是風月襟懷孰與倫

茅鹿門

周逸之囊所手寫仙佛跡及他書法過草

堂賦詩二首贈之

君是法書名畫家凌虛御氣併殮霞墨池灑翰
風雲幻毛穎揮毫日月華已覩王維寫屏障復
看米芾走龍蛇流觀轉盼不停睫五色玻璃翡翠
花

其二

却笑逸之癖且顛半遊仙也半逃禪已看秦相
李斯篆復覩羲皇蒼頡篇破塚燔林花外賞畫
錐鐫石掌中傳髯翁好古已衰颯擊木解頤堪

自憐

表太冲

次韻奉答逸之徵君汎泖還後見懷之什

二律

被褐懷珎戴遠遊水雲棲住百花洲名推伯仲
周璆列書著盱衡趙壹愁筆墨醉酣烟雨瀆行
藏笑倚摘星樓雅知逸興琳琅布紙價昂多荅
應稠

其二

吟鐫種種寄天遊梅屋香藏白鷺洲六友竹中
誰似逸五噫歌竟却含愁雲間鶴馭踰躑影海
上潮生徙倚樓珎重鴈書和月到西飛回訊隴
音頭

鷓湖沈晴峯懋孝

翰林

六橋堤上早春枝正是幽人破暝時風引細香
過小榻影橫斜日浸清池烟中色相誰堪寫雪
後精神獨自知垂老東山頭白盡素琴孤鶴一

編詩

本坡身現 卷之三
三
閩李九我庭機 春坊

一片閒雲靄草廬萬株梅樹繞郊墟青山疊疊
當松牖綠徑悠悠寡客車興縱淵明桑落酒閒
臨逸少鶴銘書我儕亦有離塵想卜築清溪共
尔居

華亭何士抑 三畏 孝廉

倚馬才華久擅名得瞻眉宇挹神情依山自有
烟霞癖結客還多詩酒盟天上少微占處士門
前五柳識先生卽今倒屣臨邛令誰許風流讓

長卿

華亭李青霞翹 山人

北海源流寄北山多君大隱傲塵寰社中五字
方王子孟筆底千言上馬班豈是鴛湖鍾水秀不
應魚叟老柴關相逢最恨憐遲暮倘許孤雲聽
去還

陳龍川燿 山人

梅墟貽佳刻見翫賦之

山林幽致寄閒人寓目方知品物真鼎篆留題

今似古文章遺像舊還新
驪珠吐煥篇篇富花
露含芳字字春一覽頓開
曾次廣山高水闊自
怡神

前人

過周逸之間雲館讌集

步入郊墟訪隱淪花香竹色更宜人
雲棲幽館天分景水遶平沙地隔塵
茶散青烟醒鶴夢酒傾玄露助詩神
熏風開遍薔薇老滿座雄談興益新

華亭楊少山楨

太學

寄懷逸之詞丈

公瑾風流冠浙中翩翩詞賦與誰同
慚余短褐三吳拙羨爾長城五字工
雅興狂歌高士態幽懷暢飲逸人風
新詩聊寄梅花里何日仙槎過海東

